

JISŌS EJ KAALIKKAR BWE E ANIJ, AK RI UTIEJ RO AN KABUÑ RE JAB TŌMAK E

Kōttōpar ko an katak in:

- Kwaļok bwe Jisōs ej Anij.
- Kwaļok armej re jab maroñ make lōmōoren er.
- Kwaļok kōn ro rej ilo kabuñ ak re jab mool in Kristian.
- Kwaļok bwe Jisōs wōt e maroñ lōmōoren kōj.

Meļeļe ko reļap ilo katak in:

- Jen lo bwe ad jeral ñan Anij e ban juļok bōd ko ad.
- Jen lo bwe Anij wōt e maroñ lōmōoren kōj im ukōt kōj.
- Jen lo bwe Bible ej kaalikkar bwe Jisōs ej Anij.
- Jen lo bwe Jisōs ear itok bwe En lōmōoren ro re nana.

Ilo ad katak kake Kallimur Mōkta jaar lo bwe Anij ear letok juon kallimur ikijien juon ri Lōmōor. Anij ear kallimur bwe Enaaj jilkintok juon eo me Ej ilo nememen wōt armej. Bōtab joñan An naaj kajoor Ri Lōmōor in, Enaaj anjo ioon Jetan, jerōwiwi, im mej.

Kallimur Mōkta ej kwaļok bwe juon Ri Lōmōor enaaj itok ñan laļ in.



Aiseia 53:11 ... Ri Karijera e wānōk enaaj kowānōk elōñ; im Enaaj inekļok jerōwiwi ko aer.

Kallimur Ekāal ej kaṁool ñan kōj bwe Jisōs ej Ri Lōmōor eo eṁōj kallimur kake.



Jon 20:31 A eṁōj je men kein bwe koṁwin tōmak bwe Jisōs e ri Kraist, Nejin Anij, im bwe kōn ami lōke, koṁwin bōk mour ilo etan.

Mōttan men ko me rej kaṁool bwe Jisōs ej Anij im ad Ri Lōmōor ej bwe elōñ An maroñ in jeorļok jerōwiwi ko ad.

1. Jisōs ear katakin armej Naan in Anij.



Mark 1:21,22 Im rej deļoñ ilowaan Kaperneum, im e mōkaj ilo raan Jabōt Ej deļoñ ilowaan imōn kweilok eo im katakin. Im re bwilōñ kōn An naan in katak, bwe Ej katakin er āinwōt Irooj, im jab āinwōt skraib ro.

Eṁool bwe Jisōs ear kōṁman elōñ men in kabwilōñlōñ ko ke ear pād ioon laļ in. Ear kemour armej, kajutakļok timon, im kauwe kōto. Bōtab aļep men kein raar kein kaṁool naan ko An.

Jeral eo eļap an Jisōs ej bwe En lōmōoren armej. Ijoke armej re ban bōk lōmōor eļañne re jab roñjake im tōmak naan ko An.



Rom 10:17 Innām tōmak kōn roñjake, im roñjake kōn naan in Kraist.

Maroñ eo an Jisōs ear ɭapɭok jān eo an skraib ro. Ear jab aikuj bōk meɭeɭe kōn naan in Anij, bwe E Naan in Anij. E Anij. Elōñ katin im Jisōs ear kōnono āinwōt in: “Eᵐōj aᵐ roñ an jeje ko ba, ak Ña Ij ba ñan eok....” Wōn e maroñ kōnono āinwōt in eɭañne ejab e Anij? Ejjeɭok. Wāween an kar Jisōs kwaɭok ear kaᵐool bwe E Anij. Bōtab bar juon men ear kaᵐool bwe E Anij.

2. Jisōs ej jeorɭok jerōwiwi ko.



Mark 2:1-3 Im ālikin jet raan Ej bar deɭoñ ilowaan Kaperneum, im e buñbuñ bwe Ej pād ilowaan eᵐ. [2] Im elōñ e ᵐōkaj aer kweilokɭok, im ejjeɭok jikier ijo ak iturin kōjām; im Ej ba ñan er naan eo. [3] Im rej itok ñan E, im bōktok juon armej e akā, emān ro rej bōktok.

Joñan an buñbuñ Jisōs, ear ᵐōkaj in obrak ᵐweo. Armej ro raar kōñaan roñ naan ko an.

- Jet raar itok kōn limo.
- Jet raar itok bwe ren kabōd E.
- Jet raar itok bwe ren katak Ippān.

Juon ri nañinmej ear tōmak bwe elōñ an Jisōs maroñ in kemour e. Kōn an lukkuun jorraān ānbwinnin, ear aikuj in kajjitōk bwe elōñ ro ᵐōttan ren ektak e ɭok ñan ippān Jisōs.

- Ejjeɭok taktō ear maroñ in kemour ɭeo.
- Ro ᵐōttan raar jab maroñ in kemour ɭeo.

Men in ej kakememej kōj kōn ad pād ilo jerōwiwi. Ejjeɭok ad maroñ in kōtɭok kōj jān kajoor an Setan im jerōwiwi. Ad jerbāl ñan Anij im jouj ñan armej, men kein re ban ɭoᵐooren kōj. Ejjeɭok armej, ri kaki, ak kabuñ e maroñ ɭoᵐooren kōj. Peptaij e ban ɭoᵐooren kōj.



Mark 2:4 Im ke re ban kepaak E kōn eɭap jar eo, rej kapellok ᵐōttan kejenwan ikijjien ijo Ej pād ie; im ke eᵐōj aer rupe, rej katolaɭtak kinien ɭeo e akā ej babu ioon.

Re ɭak tōpar ᵐweo, innām raar lo bwe ear obrak. Raar wanɭōñɭok ñan raan ᵐweo. ᵐoko ilo tōr eo an Jisōs, ejjeɭok aer bōrwaj āinwōt kain eo ilo raan kein. Ioon ᵐweo ear āinwōt juon patio. Armej ro raar kijoñ jijet ie ilo aemedɭok in jota im kōlladikdik. ɭōᵐaro ᵐōttan ri polio in, raar kaᵐakūti jet tile im kōᵐᵐan juon roñ bwe ren lelaɭɭok ɭeo.



Mark 2:5 Ke Jisōs ej lo aer tōmak, E ba ñan ɭeo e akā, “Nejū, e jako jerōwiwi ko aᵐ.”

Jisōs e ɭak lo aer tōmak innām Ear ba juon men e kanooj in kabwilōñlōñ: “Nejū, e jako jerōwiwi ko aᵐ.” Jisōs ear lo bwe raar tōmak E, im Ear joɭok bōd ko an ɭeo.

3. Anij wōt e maroñ jeorɭok jerōwiwi ko.



Mark 2:6,7 A jet iaan skraib ro rej jijet ijo, rej lõmṇak ilo bũrueir, “Etke armej in Ej ba aindein? Ej blaspim; wõn ej maroñ in jeorłok jerowiwı ko a Anij wõt?”

Ekwe, je jelā bwe Parisi im Skraib ro raar kijoñ jumae Jisõs im jab tōmak e. Kwō lak lale, e jimwe ke aer ba bwe Anij wõt e maroñ jołok jerowiwı ko? Ewor ke bar juon ijelłokun Anij im e maroñ kōmṇan men in?

Mokta jej lo jen lale ta eo Baibōl ej ba.



Bōnbōn 14:18 Jeova e ruṇwij an illu, im E obrak kin tũriaṇo, im Ej jołok bōd im jerowiwı...



Aiseia 43:25 Ña, im Ña wõt, Eo ej jeor bōd ko aṇ kōn Ña make; im I jāmin keememej jerowiwı ko aṇ.



Daniel 9:9 Ippān Irooj ad Anij ewor tũriaṇokake im jołok bōd meñe jaar jumae E.

Ejjełok e maroñ jołok bōd ko ad ak Jeova Anij wõt. Kein ka ruo, kwōn lõmṇak kōn men in. Jej jerowiwı ñae wõn? Anij. Kōn men in, jen jołok bōd ippān wõn? Anij. Innām wõn eo e maroñ jołok bōd ko ad. Anij wõt!

Juon pris ak ri kaki e maroñ ke jułok jerowiwı ko an juon armej? Jaab. Anij wõt e maroñ, im Jisõs e maroñ kōnke E Anij.

4. An Jisõs kemour armej ej kaṇool bwe E maroñ jeorłok jerowiwı ko.



Mark 2:8, 9 Im e ṇōkaj, ke Jisõs e jelā ilo An bwe aindein aer lõmṇak iloweir, E ba ñan er, “Etke koṇij lõmṇak men kein ilo bũruemi? Ewi iaerro e pidodołok in ba ñan leo e akā, ‘E jako jerowiwı ko aṇ,’ ak ‘Kwōn jerkak im bōk kiniōṇ im etal’?”

Meñe armej ro raar jab ba jabdewõt, Jisõs ear jelā lõmṇak ko aer. Jisõs ej Anij. Ear kwałok An kajoor ilo An kemour leo e nañinmej.



Mark 2:10-12 A bwe koṇwin jelā bwe Nejin armej E maroñ in jeorłok jerowiwı ko ioon lał,” -- E ba ñan leo e akā, [11] “Ij ba ñan eok, Kwōn jerkak, im bōk kiniōṇ, im ilok ñan ṇweo iṇōṇ.” [12] Im e ṇōkaj an jerkak, im bōk kinien, im diwōjłok iṇaan mejeir otemjej, innām er otemjej re bwilōñ im wũjtake Anij im ba, “Kōm ar jab loe im aīnwõt in mokta.”

Armej ro raar bwilōñ, im raar nōbar Anij. Raar jab lo men aīnwõt in mokta łok.

5. Jisõs ear kũr Livai bwe en ļoor E.



Mark 2:13,14 Im Ej bar etal ñan iturin ļojet, im aolepen jar eo rej kweilokłok ñan Ippān, im Ej katakin er. Im ke Ej kijoone, Ej lo Livai nejin Alpiõs ej jijet ilo jikin tōl owōj, im E ba ñan e, “Kwōn ļoor Eō.” Im e jutak im ļoor E.

Jisōs ear kūr Livai, āt eo juon Matu, bwe en juon iaan rū kaḷoran. Ke Jisōs ear kūr Matu, Matu ear jermal n̄an ro ri Rom im bōk tax ko aer j̄an ri Ju ro.

- Kōn an ro ri tōl owōj jermal n̄an ro ri Rom, ri Ju ro jet raar dike er.
- Ro ri tōl owōj raar kijoñ in koḷot. Raar kaḷapḷok joñan tax an armej, im bwe eo raar make bōke.
- Kōn men in, e jeja an ri tōl owōj jar, im elōñ men ko re nana raar kōmmani.

Matu ear ukelok j̄an nana ko an. Ear ukōt būruon kōn e make, an jerōwiwi, im Naan in Anij. Ear errā ippān Anij bwe e juon ri nana im e tellokun bwe en mej indeeo. Ear errā bwe e jab maroñ make kowānōk e, im Ear lōke Jisōs bwe E Ri Lomōḷor eo me Anij ear kallimur kake.

Elōñ year tokālik, Anij ear kajermal Matu bwe en je book eo moxtata ilo Kallimur Ekāāl.

6. Jisōs ear itok bwe En kūr im lomōḷoren ro ri jerōwiwi.



Mark 2:15, 16 Im ke Jisōs ej jibadek im mōñā ilowaan mweo imōn, elōñ ri tōl owōj im ri jerōwiwi rej jimor jibadek ippān Jisōs im ro rū kaḷoran, bwe relōñ im rej loor E. Im ke skraib ro im Parisi ro rej lo An mōñā ippān ro ri tōl owōj im ri jerōwiwi, re ba n̄an ro rū kaḷoran, “Ej mōñā im idaak ippān ri tōl owōj im ri jerōwiwi rañ.”

E utiej būruon skraib im Parisi ro. Raar lomnak bwe remmanlok j̄an armej ro jet kōnke raar jitlok, jar, juon mōttan joñoul im kōmman bar jet jermal n̄an Anij. Raar abwin mōñā ippān ro me elap aer jerōwiwi ainwōt ro ri tōl owōj.



Mark 2:17 Im ke Jisōs ej roñjake, E ba n̄an er, “Ro re jab nañinmej re jab aikuj rū wūno, a ro re nañinmej wōt. I ar jab itōn kūr tok ro remman, a ro re nana.”

Jisōs ear jab itok bwe En jipañ ro me rej lomnak bwe remman kadede. Ear itok bwe En lomōḷoren ro me raar kile im kwalok bwe raar ri nana im ejjelok aer maroñ. Ear itok bwe En lomōḷoren ro rej atartar ioon tūriaḷo im jouj an Anij im raar jab lōke tokj̄an jermal ko aer.

7. Parisi ro raar kajjoñ lōkatipe Jisōs.



Mark 3:1,2 Im Ej bar deloñ ilowaan imōn kweilok, im juon emmaan ej pād ie, e mōrā pein. Im rej kōjjaad E, elañne Enaaj kemour e ilo raan Jabōt, bwe ren kinaaklok E.

Parisi ro im ri tōl ro jet raar abwin tōmak naan ko an Jon ri peptaj, im raar joḷok naan ko an Jisōs. Raar lale Jisōs im kōjatdikdik bwe Enaaj koḷkure juon iaan kien ko aer bwe ren kalbuuj im man E.

Jisōs ear pokake aolep kien ko an Anij, ak ri utiej ro an kabuñ raar kobaik kien ko aer make n̄an Naan in Anij.

- Juon iaan kien ko ej bwe e nana kemour armej ilo raan in Jabōt.
- Raar lomnak bwe kemour armej ilo Jabōt ej ainwōt jermal.
- Jisōs ear abwin loor kien in an armej ro im bar jet iaan kien ko aer make.

Ri utiej ro raar dike Jisōs kōnke Ear ba bwe E Nejin Anij im Ri Lomōor eo. Kab raar dike Jisōs bwe Ear ba ñan er bwe er ri jerōwiwi im aikuj lomōor. Raar jermal ñan Anij im mour āinwōt armej remman tu-likier, ak tu-lowan raar lōmṅak kōn er make, ear utiej būrueir, im raar nana. Raar ankilriab.

Āindein elōñ armej ilo raan kein. Rej ba bwe er armej in kabuñ, im rej lōmṅak remman. Ak ilo mool re jab kōṅaan mour ñan kabuñbūruon Anij. Re jab mool in Kristian, im rej pād wōt iumwin kajoor an Setan. Rej ri ankilriab. Im jet armej rej lo armej rot in, im rej ba bwe re jab kōṅaan Kristian kōnke elōñ ri ankilriab ilo kabuñ. Mool men in, bōtab, je jab loor armej. Jej loor Jisōs. An jet armej ankilriab en jab bōbrae ad kōmman jimwe im ilok jān nana ko ad im lōke tokjān mej an Jisōs ñan lomōoren kōj.

8. Jisōs ear kemour pein leo.



Mark 3:3-5 Im E ba ñan armej e mōrā pein, “Kwōn jutak ilo bwilij.” [4] Im E ba ñan er, “E mālim ke kōmanman emman ilo Jabōt ko, ak kōmanman nana? Kemour ke, ak man?” A rej ikōñ. [5] Im ke Ej reiḷok ñan er kōn illu, bwe Ej būromōj kōn an pen būrueir, Ej ba ñan armej eo, “Kwōn erḷoke peim.” Im ej erḷoke, im pein e mour im āinwōt pein eo juon.

Jisōs ear illu ippān ri utiej ro an kabuñ eo kōnke raar jumae Naan in Anij, im e bōd aer katakin armej. E kauwōtata in jumae Anij. Anij enaaj man aolep ro rej jumae E.

Jisōs ear kemour pein leo. E kajoor, bwe E Anij. Ear kōnono wōt, im emman pein leo. Ke Anij ear kōmanman laḷ in, Ear kōnono wōt. Im ke Jisōs ear kemour le in, Ear kōnono wōt.

9. Parisi ro raar pukot bwe ren man Jisōs.



Mark 3:6 Im Parisi ro rej diwōjḷok im e mōkaj aer pepe ippān ro doon Herod kōn E, enaaj kōjkan aer man E.

Ro doon Herod raar loor Kiiñ Herod (me ej nejin Herod eo ear kajjioñ in man Jisōs ke Ear juon ni-ñiñ). Raar jab kōṅaan bwe en wor bar juon kiiñ.



Mark 3:7, 8 Im Jisōs kab ro rū kaḷoran rej ilok ñan iturin loṃalo, im eḷap jar eo rej loor E jān Galili im jān Judia, im jān Jerusalem, im jān Aidumia, im jān reeaar in Jordan, im jān iturin Tair im Saidon, jar eo e kanooj ḷap, ke emōj aer roñjake men ko reḷap Ear kōmman, rej itok ñan Ippān.

Elōñ armej raar itok bwe ren roñ katak ko an Jisōs im bwe En kemour ro re nañinmej.



Mark 3:9, 10 Im E ba ñan ro rū kaḷoran bwe en wor juon wa e dik Ippān, kōn an ḷap jar eo, bwe ren jab kōbaj E. Bwe Ear kemour elōñ, kōn men in ro re nañinmej rej kōbajḷok E bwe ren uññūr E.

10. Jetōb ettoon ro raar jeḷā kajjien Jisōs.




Mark 3:11 Im jetōb ettoon ro ke rej lo E, re buñ imaan Mejān, im laṃōj im ba, “Kwe Nejin Anij!” Im eḷap An kauwe er bwe ren jab kōjjeḷaik armej kōn E.

Tiṃon ro raar jeḷā bwe Jisōs ej Nejin Anij. Kar ṃokta, raar enjeḷ, im re kar karijer ṇān E. Jisōs ear jiroṇ er bwe ren jab keroro. Ear kōṇaan bwe armej ren tōmak ilo E kōn men ko Ear ba. Ear jab kōṇaan bwe armej ren ḷoor E kōn wōt men ko rej roṇ an tiṃon ro ba.

11. Jisōs ear kāālōt 12 rū kaḷoran.



Mark 3:13-15 Im Ej wanlōṇḷok ioon tol eo, im Ej kūrtoḷ ro E kōṇaan, im rej itok ṇān Ippān. [14] Im Ej likūt joṇoul im ruo bwe ren pād Ippān, im bwe En jilkinḷok er bwe ren kwaḷok, [15] Im bwe ren maroṇ in kajutakḷok tiṃon ro.



Jisōs ear kāālōt 12 rū kaḷoran. Jet iien jej ba rū jeḷōk. Eṃōj An kar kūr Livai ṃokta, im kiiō Ej bōk ro jet. E naṇin aolepeir raar ri jeraṃōḷ im ri ettā. Raar lo aorōken tōmak Jisōs im katak Ippān, im kōn men in raar ilok jān jermal ko aer bwe ren ḷoor im katak jān Jisōs. Aolepeir raar tōmak E ijellōkun wōt juon - Judas. Ear ba bwe ear tōmak, ak ear ilo naan ko an wōt im jab ilo būruon. Ear juon ankilriab, im ear jab lōke Jisōs bwe En ḷoṃoṃoren e jān nana ko an im jān mej indeo.

Jisōs ear jeḷā būrueir. Ear kemour armej. Ear kajutakḷok tiṃon ro. Jisōs ej Anij, im Ear kaṃool men in. Bōtab, elōṇ iaan ri tōḷ ro an kabuṇ raar jab lōke E. Jisōs ear itok bwe En kūr ṇān E ro rej errā Ippān bwe er ri nana im ri ban. Jisōs ear itok bwe En Ri ḷoṃoṃoren armej jān nana im mej.

Kajjitōk ko:

1. Etke Jisōs ear maroṇ in joḷok jerōwiwi ko an ḷeo e akā?
2. Ewi āt eo juon an Livai?
3. E kar āin de et jermal an Matu ṃokta?
4. Jisōs ear itok bwe En kūr wōn bwe ren bōk ḷoṃoṃor?
5. Ro me rej lōke jermal ko aer make renaaj ke mour ilaṇ?
6. Etke Parisi ro im skraib ro raar lale Jisōs, im etke raar dike?
7. Etke Jisōs ear jiroṇ tiṃon ro bwe ren jab keroro im kwaḷok wōn E?
8. Jete armej im Jisōs ear kāālōt bwe En katakin er?
9. Ewor ke ro ri ankilriab me rej ṃoṃe Anij?